

GJALDSKRÁ

vegna eftirlits og vinnslu starfsleyfa
og vegna þjónustu á sviði mengunarvarna.

1. gr.

*Gjöld fyrir vinnslu starfsleyfa og mengunareftirlit
með starfsleyfisskyldri starfsemi.*

Hollustuvernd ríkisins skal innheimta gjöld vegna vinnslu starfsleyfa og eftirlits með starfsleyfisskyldri starfsemi samkvæmt viðauka 7 í reglugerð nr. 48/1994, með síðari breytingum, í samræmi við gjaldskrá þessa.

Atvinnurekstur sem upp er talinn í viðauka 7 í reglugerð nr. 48/1994 skal greiða gjald fyrir vinnslu starfsleyfis, samkvæmt 8. kafla reglugerðarinnar og gjald vegna eftirlits samkvæmt 5. gr. reglugerðarinnar sem hér segir:

	Starfsleyfisvinnsla	Eftirlit
1. flokkur	kr. 490.000	kr. 245.000
2. flokkur	kr. 87.000	kr. 61.000
3. flokkur	kr. 46.000	kr. 26.000
4. flokkur	kr. 15.500	kr. 21.000
5. flokkur	kr. 15.500	kr. 10.500

Gjald fyrir starfsleyfi skal greiða við umsókn en gjald fyrir eftirlit þegar eftirlitsskýrsla liggur fyrir.

Þegar unnið er starfsleyfi fyrir ólíka þætti í starfsemi sama fyrirtækis, er heimilt að innheimta sérstakt gjald fyrir hvern þátt.

2. gr.

Úttekt vegna starfsleyfisvinnslu.

Telji Hollustuvernd ríkisins eða umsagnaraðilar að upplýsingar um mengun og áhrif hennar á umhverfið skorti er heimilt að setja sem skilyrði að fram fari úttekt, þ.e.a.s. athuganir, mælingar eða rannsóknir á kostnað umsækjanda, samkvæmt 3. mgr. 61. gr. reglugerðar nr. 48/1994.

Taki Hollustuvernd ríkisins þátt í að undirbúa, framkvæma eða hafa eftirlit með úttekt, það er athugunum, mælingum eða rannsóknum samkvæmt þessari grein, skal umsækjandi greiða stofnuninni samkvæmt gjaldskrá yfir útselda vinnu vegna þjónustuverkefna Hollustuverndar ríkisins, eins og hún er á hverjum tíma.

3. gr.

Breyting á starfsleyfi.

Fyrir breytingu á starfsleyfi, upplýsingagjöf og aðstoð við gerð skýrslu um mat á umhverfisáhrifum, sérstakar athuganir og aðra sérfræðiþjónustu skal greiða samkvæmt gjaldskrá yfir útselda vinnu vegna þjónustuverkefna Hollustuverndar ríkisins, eins og hún er á hverjum tíma.

4. gr.

Úttekt vegna umhverfisvandamála.

Gefi eftirlit til kynna að um veruleg umhverfisvandamál sé að ræða, getur eftirlitsaðili krafist úttektar á kostnað hlutaðeigandi aðila, samkvæmt 7. gr. reglugerðar nr. 48/1994. Ágreiningi um nauðsyn slíkrar úttektar og/eða um kostnað má vísa til sérstakrar úrskurðarnefndar eigi Hollustuvernd ríkisins hlut að máli.

Annist Hollustuvernd ríkisins úttektina skal greitt fyrir hana samkvæmt gjaldskrá yfir útselda vinnu vegna þjónustuverkefna Hollustuverndar ríkisins, eins og hún er á hverjum tíma.

5. gr.

Gjöld vegna sérstakrar þjónustu á sviði mengunarvarna.

Hollustuvernd ríkisins skal innheimta gjöld vegna eftirfarandi þjónustu sem hér segir:

- | | |
|--|------------|
| 1. Vegna viðurkenningar á rotþrósm, | kr. 10.000 |
| sbr. 10. gr. reglugerðar nr. 48/1994, með síðari breytingum. | |
| 2. Vegna viðurkenningar á olíuskiljum, | kr. 10.000 |
| sbr. 51. gr. reglugerðar nr. 35/1994. | |
| 3. Vegna viðurkenningar á amalgamskiljum, | kr. 25.000 |
| sbr. 5. gr. reglugerðar nr. 79/1996. | |
| 4. Vegna afgreiðslu tilkynninga um flutning á úrgangi milli landa, | kr. 25.000 |
| sbr. reglugerð nr. 377/1994. | |

6. gr.

Innheimta.

Hollustuvernd ríkisins innheimtir gjöld samkvæmt gjaldskrá þessari.

Eindagi er 30 dögum eftir útsendingu reiknings. Heimilt er að innheimta dráttarvexti sé gjald þetta ekki greitt á eindaga.

Um innheimtu fer að öðru leyti samkvæmt lögum nr. 81/1988 um hollustuhætti og heilbrigðiseftirlit, með síðari breytingum.

7. gr.

Frávik frá gjaldskrá.

Fari mengunarmælingar ekki fram samkvæmt því sem segir í 5. gr. reglugerðar nr. 48/1994 er heimilt að lækka gjaldið til þess tíma að mengunarmæling hefur farið fram.

8. gr.

Gildistaka.

Gjaldskrá þessi er sett samkvæmt 17. gr. laga nr. 81/1988 um hollustuhætti, og heilbrigðiseftirlit, með síðari breytingum, og öðlast þegar gildi. Jafnframt fellur úr gildi gjaldskrá nr. 183/1993.

Umhverfísráðuneytinu, 13. desember 1996.

Guðmundur Bjarnason.

Ingimar Sigurðsson.

AUGLÝSING

**um frestun álagningar gjalda samkvæmt 6. gr. laga nr. 56/1996
um spilliefnagjald.**

Álagningu gjalda samkvæmt 6. gr. laga nr. 56/1996 um spilliefnagjald er frestað til 1. mars 1997, samkvæmt heimild í ákvæðum til bráðgabirgða í lögnum. Auglýsing þessi öðlast þegar gildi.

Umhverfísráðuneytinu, 13. desember 1996.

Guðmundur Bjarnason.

Ingimar Sigurðsson.